

Pa jete Kat sa a!

Ale sou EPPICard.com pou wè tout dokiman ki mache ak Kat sa a. Chwazi “FL - Unemployment Insurance” nan lis la epi chwazi “Program Materials”.

Jere lajan nenpòt kote ou ye

Pou balans Kat la, lis tranzaksyon yo, alèt* ak plis bagay toujou:

Ale sou www.EPPICard.com. Si w gen lòt kesyon, rele nimewo ki nan do Kat ou a.

* Konpayi telefòn selilè w oswa konpayi ki ba w sèvis Entènèt la gendwa mande w peye pou sèvis la.

Lis tranzaksyon yo sou Entènèt: Ou ka jwenn lis dènye tranzaksyon w yo (ansanm ak tout depans ou te peye yo) gratis sou www.EPPICard.com. Si w pa ka ale sou sit Entènèt la, ou ka rele sèvis kliyan nou an pou mande yon lis tranzaksyon yo pa ekri.

Konsèy ki enpòtan pou sekirite Kat la

- Sonje nimewo idantifikasyon pèsònèl ou (Kòd PIN) se yon enfòmasyon ki sekrè. Chwazi yon nimewo moun pap devine fasil. Pa janm ekri l okenn kote ni pa bay pèsòn nan nimewo sa a. Nou pap janm rele w oswa voye w mesaj tèks pou nou mande w Kòd PIN nan.
- Lè w prale nan yon ATM, se pou w gentan gen Kat la nan men w e pou w pare pou sèvi avè l pandan w ap pwoche ATM nan. Si w ta wè moun ki sanble sispèk oswa sikonstans ki sanble dwòl, li ta pi bon si w pito ale nan yon lòt ATM.
- Si w remake ATM nan sanble domaje oswa si w gen enpresyon yon moun te fè yon chanjman ki pa nòmal sou li, pa mete Kat ou ladan l.

Aktive nouvo Kat ou tousuit



Ale sou sit EPPICard.com oswa rele nou nan 1-888-898-3584 pou aktive Kat ou e pou kreye Kòd PIN ou.



Tanpri gade lis tout tarif ki mache ak Kat sa a nan kondisyon itilizasyon yo. Lè w kreye Kòd PIN ou epi ou aktive Kat la, ou montre ou dakò pou respekte Kondisyon yo.

Sèvi ak Kat la nan fason pa w



Acha ou fè chak jou yo:

Ou ka sèvi ak Kat ou tout kote yo aksepte Visa. Chwazi **Kredi** oswa **Debi** lè w ap peye.



Estasyon gazolin:

Li fasil pou achte gazolin. Pou peye nan ponp lan, annik chwazi **Kredi** oswa **Debi**, oubyen peye pou gazolin nan davans ak Kat ou anndan boutik ki nan estasyon an.



Achte sou Entènèt:

Ou ka fè acha nan men boutik ou pi renmen yo sou Entènèt nenpòt lè, nenpòt kote.



Peye bòdwo w yo:

Ale sou sit Entènèt konpayi ou vle peye a pou peye bòdwo w avèk Kat ou.



Restoran:

Sèvi ak Kat ou nan restoran ak nan kafe ou pi renmen yo.



Transpò:

Sèvi ak Kat ou pou achte yon pas transpò, pou peye taksi oswa pou ajoute l kòm yon metòd peman pou konpayi k ap ba w sèvis transpò an pataj.

Jwenn lajan kach fasil



Mande pou yo ba w kach lè w ap achte yon bagay kay komèsan ou toujou ale yo.



Ou ka fè tiraj lajan kach san limit nan ATM ki nan rezo a san w pa peye okenn tarif pa mwa. Chak fwa ou sèvi ak yon ATM ki pa nan rezo a pou retire lajan, w ap gen pou peye \$2.25. Chèche logo ki anba yo pou idantifye yon ATM ki nan rezo a:



www.EPPICard.com

